

徂徠集

附補遺詩

三十

護園遺稿全書大尾

柳田文庫
文庫11
A1126
20



文庫11
A 1026
20

祖徠集卷之二十

書牘二十一首

與寂仙上人

日昨辱蒙貴价來降。口述美意。申以盛貺。寵惠頻繁。不知攸謝。不佞辱知以來。垂二十年。中間疎逖。不能敬修尺牘。以達殷勤也。迨乎法旆東臨。亦不能躬造梵館。以覩儀範也。所謂跣弛乎禮法之教者。殆乎不知其孰為內也。外矣。而迺慈海之滉洋乎。其罪之弗

物茂卿著

物茂卿著

010190523549

問一之長者之車轍於陋巷一之降天之賜賁於弊廬。豈夫波瀾之廣覃，其固有之邪？雖然，不佞何德以對膺是盛貺也？雖然，吾子輿氏之書有之曰：卻之爲不恭，不恭何義？以返巡是美意也。故嚮已對貴价，勉強登嘉。今又不獲躬執謝敬，子墨之命，是重其臯也。是重其臯也。釗之其亦在慈海之滉洋也耳。穴中勿煩瓊瑤不備。

與香律師

父之親無所逃於天地之間。從父者從乎父者也。公之感焉中者可知矣。問候缺然，罪也。何辭問者地。

遽動未審瓶鉢無恙否。是寧經中所謂堅牢神者。特出頭地中爲公隨喜歟。彌勒佛此番托生尾學士家。何莫慮及此老也。公其呵之。淨菜聊助齋具。善鉢不宣。

又

別後不修一字鴻信，殊愧闊節。忽捧珍牘，乃審舊臘一路草鞋亡恙，走勢抵洛，倚錫有地。大憫遐望，新歲暄和，條風有徵，意彼是皆爾。和上日徜徉東山烟霞間，轉爲可羨哉。近街頗有麋竺之災，殆將罹焉。有幸以免者二次。遙謝洪庥，其它一如客歲所見。莫煩慈

念三元彩毫一本敬領遠惠。是雖么贖乎。其於中原
人才。思過半矣。不勝寥寥之嘆。已另札中勸刻鄙撰
數種。是皆童蒙求我者。我迺莫有乎加損也。然劖厥
氏輩亦將曰。童蒙求我者衆。衆斯利。市二倍則不啻
益童蒙。亦能益劖厥氏輩。和尚濟物之慈。敢不唯命
是從。叔達亡它。未有寧處理。俟面當致尊意。不乙。

又

本月十一日。愚沙彌捧書至。具悉師行履無恙可喜。
聞奧中緇白頗有嚮信者。堪作暫住計也。以師惠望
故富爾爾。雖然亦以見其美俗哉。承寄數種。殊荷厚

意。松島鹽竈圖未足當少文游。轉羨錫飛自在耳。壺
碑似與羅山載小說中者稍不同意。彼迺誤也。八景
詩不啻峽天日。大氏吾東方好山水。多爲惡詩辱。亦
不翅奧中者矣。或待師一披拂歟。不佞今夏頗勝暑。
但未得半畝宅可藏懶身者。尚在市樓中。作偷閒計
也。峽中紀行整理已完。將鏗問世。韓非子解亦成譯
筌未就緒。以故近來無它作。不寄上。保壽禪師承使
愚沙彌致其意。荷荷。善當爲報聞耗。草草布字。此覆。

答卓上人

雲牋飛墜。潔指披誦。茲審貴體安穩。于茲溽暑之候。

安在清涼。坐享極樂之福。誠可歆羨也。祇以貴幹不蒙見臨。不佞亦有賤冗。且寬日期。還屬湊巧。少足相慰耳。佳詩二章。似有進步處。爲可喜也。還字入先韻者。誠如所喻。祇如旋旆榮旋等。皆是返旋之義。不若改作旋字。却可耳。納涼甚可人。三字覺佳。它非面晤。難得委悉也。佳酒美蔬。謹承寵錫。嗣當躬謝。

又

爾後杳乎動靜。深所渴望。忽捧手札。恍若天降。袈裟亡恙。深可欣慰。且審十八日韓客入都。而上人往觀。迺爲官家伍佰輩所擁碍。及夜得還。加以徒步泥濘。

中困憊委頓。遂致翌日小集。欠於見臨。不佞則不然。預已聞其路禁大嚴。觀者必星出月歸。竊自思惟病軀。何能任此勞苦。因茲斷念不復往觀。至於翌日。有鄰來至。談及茲事。與共暗笑。上人及芝諸君。狼狽者狀。而自誇得計也。今則果然果然。若二十二日寬會期。有鄰則竟不道及。想渠一時貪趁話興。因遂忘之耳。明日當趨藩外邸。取便奉訪。所喻敬聽命。華紙故佳。但僕旣已買辦二百張。許藏在篋中。更多無益。敬謝煩尊慮。念及此瑣事。它在面晤。

又

寡老君遽然捐館邦中府中若喪考妣若不佞者職
 備顧問從容趨陪蓋亦尚矣況在疾革乃增廩祿彌
 留之際軫念所及事侔遺命謝恩未竟五內忽裂茲
 承檄教弔慰轉倍哀慟佳疏數品併荷慈貺感謝曷
 盡吉生喪事知是何人伏乞致意蒙許不日並臨寂
 寞之際深所顛望也冀借清譚少紓衷腸日前它適
 欠報敬茲奉謝時下冷甚萬以道候清勝草草不次

又

茲接雲緘兼惠霜菓禪那餘念忽及朽拙一至此歟
 春寒梵候起居輕利深堪倚賴賤恙良已亦只掩關
 自嗇耳明日之役頗足支吾未審諸君子能集否蓮
 趾能臨掃徑奉迎此復

又

承款之後未輒展謝二七之期杳然不臨正爾鬱陶
 芳緘如面深慰渴懷愁霖悶人祇上人眠食輕利頗
 能應世茲即堪慰且承明日之事尊意以泥濘故欲
 寬在它日也不佞前日承喻之後人僕乏使及至昨
 日方纔差書岡生報知而岡生它適無答切慮明日
 設霽岡生未必涉濘奔約則如之何茲得尊喻深以
 帖然果如所命則明日之會當依舊在舍弟處耳若

屬晴快。請賜降臨。佳詩漫奉藥石不乙。

又

昨日之游。誠足稱樂哉。雖然非藉和尚爲東道。則一行之人。立槁于蘇迷上。何以能歸乎。香積之惠。未鳴謝侍者。迺先書道及愧汗。莫甚焉。玉詩佳勝。誦之身尚徜徉香山之巔也。石生岡生。咸稱師德不已。來則致高意。僕疲甚。猶爾偃臥牀上。裁字歪斜。伏乞海恕。

又

賜書二。賜价一。共他適。不卽奉答。深此負罪。人參一件。枉紆尊念。感荷何盡。岡家兒患痘者。實係席上二

生之弟。其父輿疾溫泉而不在家。以不佞鄰近。故其母及祖母。深所相托。是以奉懇耳。渠已自辦。伏乞莫勞禪慮。又知學仙。決意宗門。誠爲欣然。予未諳釋氏道。則不知禪之與淨土。果何似也。但以之子。有讀書智。太是希有。乃爲貧窮罣碍。今視和尚猶父。而和尚視猶子。甚盛事也。仙乎。得其所哉。大氏少年子。多客氣浮思。和尚爲其深慮。宜矣。意渠亦當體此慈心。永矢弗渝焉。嗚呼。前日拙誕席上。可謂濟濟。但皆近年相識。若論耐久。莫若和尚與吉生耳。當年紫芝社中。亦甚鬧熱。俯仰二十年。零落殆盡。唯和尚歸然靈光。

可不相共慶抃乎。來月當隨例上香龍華。順便奉候萬惟面罄不一。

又

杳絕聞問者半月餘矣。風火惶遽間。轉奉想玄型。不容已已。遙知祇林寂靜地。必無此人間苦矣。接東迺謂俗子貪甘露味者。托爲拜年。錄續乎堂皇間。至今不絕也。嗟蟻羶猶爾所未免哉。念七之期。謹領命。昨兩乘時。人心以降。火其不起邪。林花其綻邪。黃鳥其嚶邪。庶乎吾曹咏歸日哉。預此念之。日如年也。古詩所頻承見懇。敢不奉命。東壁一出。不歸者五日。不知

今曳裾何王門。歸則謹致餘寒尚冽。伏惟安寧。

又

正奉憶間。朶雲飄至。破緘茲審座下。道候輕利。方此溽暑。深足慶快。古人有云。九夏三伏。人之大厄。豈不畏乎。吉生室人幼弟。染病未起。渠已乏婢妾。獨以一身周旋其間。真是苦哉。誠可憫也。大潮書蒙轉致。荷荷。緘中有詩。誦之今靈一也。十二日屈指以族一日。三秋宛是九秋矣。且審書意似不可必。轉增耿耿不乙。

又

辱書承送致鄙印。謝謝前者賜臨草堂。得奉謦欬。加之筆雨天花。鉢携香積。深足荒徑生色。尚何見謝之有。轉增懣懼耳。承十九日未克懸定來否。是自老上人白雲心期。要其出岫與棲洞。亦何妨也。若夫曳項之望。終不得愬然已。

又

夜雪未已。正擁爐作柳絮看。間忽接華翰。種種厚貺。紛如挾纊。感荷何盡。岳尼豚兒。均與霑惠。謝謝聞欲明日大張金石。以發瓊瑤之響。洵是奇會。豈不茲趨。祇恐道惡爲之如何。萬容面謝。

又

昨叩祇林。享清淨味。未克展謝。乃承華緘。併惠美饌。與漿辱寓慶祝。種種盛意。何以能報。不佞適歸自朝。藩邸俗羈若斯。如其山陰逸興。聞之增赧顏耳。困極草草布字。

又

頃聞上人躬董起造之役。不能持斗酒奉勞。迺承端价見訪。賜以香菰一籃。愧歎何已。敬此奉復。

與覺玄上人

徽雨辭候。輒復溽暑。駸駸然來逼人也。久違慈羊。未

審衣鉢上受用如何。僕近來憊甚。莫怪精廬前莓苔無恙哉。陳者池水老人。章壘之技。日游刃落碌間。不啻綽綽然有餘地。而其蝌蚪龍鳳。嘉禾瑞芝。鼎篆鼓籀。金剪玉筋。種種妙境。森然悉備。辟則佛以大神通力。於一微塵中。現極樂國。報身如來。三十二相八十種好。端嚴殊勝。莫不具足。豈不作希有想乎。學士大夫。獲者誇人。緹巾十襲。何啻拱壁。是其增輝奎斗。藉美翰墨。厥功亦爲偉矣。僕久聆芳譽。百般營求。卒未有獲。嚮因和尚話間。頗及平生。乃知方外之契。久要存。在遂不自揣煩。以方便和尚。一時慨然。肩任大展。

鼎力不空所願。然後僕之喜可知矣。祇以爾後杳無消息。頗懷猜疑。因茲脩字。持此奉探。伏惟和尚待老人。如維摩。老人事和尚。如如來。則豈容維摩而能違如來法旨哉。且如僕久爲萬卷堆中一蠹蟲。詎能出於一切衆生之外也。則又知法慈所攝。必得圓滿已不罄。

與聖德上人

昨師還時。已黃昏矣。且雨甚。想道上泥深沒膝也。雖白足乎。能得無困哉。一時不戒。輻奉送。爲憾已。願夫一話十二時。頗傾吐中懷十五年來一快事也。空門

中守教相者。比諸吾儒經生斤斤乎語句間。是殆爲黃面老子簸弄。錯過一生。滔滔者天下皆是。師獨超乘而上之。可謂優曇矣。所賜筌實。係親製古雅之至。真神仙之玩也。靈慧善巧。一至于此。歟。吾知師之非人間人哉。是物是賚。將與偕終一生。感何可言。但黃脫處。煩尊手脩飾。謹附使致左右。廿三日。或屬師閒暇時邪。正擬趨教也。請命之。倘或雨邪。則不能也。萬千炤鑒。

復英上人

金策泠泠。白雲無踪。靡常其攸。寔開士之行也。自不聞上人之聲咳。而竊嗟靈幻之軌。不與世同趨。焉亦何憾之心。獨弗諼已。忽接玉簡。副以小品。伏審書意。足跡殆遍于天下矣。仙醴仙草。想當獲諸異人之贈也。乃推其餘。分霑野人。希有之福也。謝何能罄。時下積雨忽霽。白露將下。涼日爽颼。顛竝百衲之翩然也。冀或容面悉。故不旣。

與大潮上人

不接慈型者。幾日邪。塵勞山積。忽賜淨品。噉之醍醐味哉。則不識煩惱爲何物焉。祇時吾之亡饋之空王門中。亦有陽虎手段乎。聞今日遙集秋桂之房。諸君

子大洗鵝離之舌。則知金粟一片地。化爲赤縣神州耳。雪後疾作。不能輒往。可羨可羨。疇昔游豫侯邸。大是風流人物。渠以子建自擬。思欲與應劉七子爲布衣交。其志可嘉矣。復欲一禮上人之足。俾不佞致意。開春十日。修齋奉待。上人能惠然臨之。而後其喜可知也。

又

方此風雪正爾。奉憶詎知儼然。忽在只尺地矣。師果以魯寮行哉。又不知剡溪興能乘之者。師邪。抑將吾也哉。鄉者示及文。篇篇直與瓊瑤爭耀。滕六其愧歟。

祇不佞受讀。未能卒業。故不敢壁耳。石君善致意。不備。

又

師果行邪。不佞茂卿。以疾故不能就西臺之館。以盡殷勤之情矣。遂使嚮者草堂之會。一日千秋也。天乎。天乎。師業已能扶造化之祕哉。以此而涉岐嶒不毛之地。無人之境。魍魎所竄伏。虺蛇所封豕血牙。卒爾所值。豈無所謂神姦者乎。鬼妒而命之憎。千里霜露。師其慎之哉。杜德機哉。疇昔之夜。倏爾奉憶。潛然之悲。不能已已。里歌一闋。聊洩憤懣。附上菲儀。爲贐。

行從集 卷之三十一
另具與江若水書奉托過洛致之。渠居在洛西飛鳥街。倘或不可識邪。渠好書。鬻書者頗能識之。嗚呼師乎行乎哉。情何窮已。

又

岐嶒之行。不佞故慮焉。乎爾師行之日。以至今日。未嘗不與石君與鼎道之也。今奉尺一讀之。師果病邪。然終以龍天之共捍衛。而師卒興乎西冥之西。愈益遠矣哉。吾所瞻望。其亦與落日懸也。方秋之時。有風蓬蓬然。遠自千里之外。至焉者。豈非師之所乎。詎能不思哉。耀靈徂而月魄之始升也。師雖西冥之西乎。

能不翹首望而我之思哉。雖然亦渺渺乎太遠已。所賴者數行之字。孤行各天之涯。是而已矣。古人曰。千里比肩。何其無情之至於此極也。嗚呼師固無情矣。然以其無情而亾所繫。鄉土或能飄然乎東來。亦不可知哉。則不足憾焉耳。豫侯于河內。若水于洛。庶乎足以爲致書郵邪。卓上人東壁諸子。及不佞皆亾恙。亦皆憑不佞致意思。想師今尚在中路邪。風波之險。善自愛。餘不備。

又

石叔潭致上人書。茲知上人謁師海西。再停錫洛水。

上中間鉢盂不疾布帆無恙龍天能慰吾曹之心哉。上人果能不披紅邪。江若水報上人方淹講肆。曇華貝葉亦開異葩。歟意者遊戲殆乎不可測已。客歲復上人自洛書。不知達否。今秋觀瀾死。上人筆鋒果毒似捧喝哉。不佞劣劣亦病肺殆死。上人婁以相如見比。何其言之驗也。然吾無文君。此其所以不死邪。每面豫侯口上人弗置。君瑞學大進。長博亾它草草。

復獨麟禪師

諼洲一別。邈若河山。每困風塵。則輒北望。悵然禪師。趺坐諦觀乎仙臺之勝。山色溪聲。何等瀟洒。乃不勝

天際真人想也。良久憮然自失。此自不佞痴想耳。若禪師十二樓上境界。豈又能憶東都紅埃中物邪。殊不知作如是觀。亦終不佞蠢想。自絕乎禪師矣。夏月保壽老師西游。一宿草堂。袖出禪師書。拆封讀之。始知禪師口不佞者狀。又知禪師因不佞愛山人者狀。更知禪師因山人愈益憶不佞者狀。於是痴想蠢想。百千盆出。天際之望。何啻不勝之謂哉。夫知山人者。莫不佞若。而知不佞者。山人或爾。來書曰。禪師在。勿慮山人爲。嗚乎。山人在。依乞禪師視。猶不佞。則幸甚。獨憾仙臺十二樓之勝。禪師與山人雙趺乎其際。不

佞乃未免北望悵然乎千里外焉。欲族稍暇或托浴疾溫泉。一訪瀟洒之境。未知能了此段志願也。否紙衣之賜。謹領厚惠。新刻二種附往之。非報也。怡首座一見後。不復來臨。承謝深慚。聞今抱疾洛涘。使人惋然。辰下冷甚。千萬自玉。

又

明日廿日矣。上人其必發也。更要一晤。末由也已。詩三首奉贈。及一首題畫附上。曩者因香禪師乞詩。而得睹公子畫。雖然精妙。亦不及此。畫最工。想必其得意筆也。不佞妄意欲獲一幅。不知上人能方便也否。

上人出門後。俗冗連日。不能作一字答。富春山下之人。上人其致意。風霜正繁。伏惟自重。不備。

又

客歲惠手札。兼致盤山君畫一幅。讀之。恍若從師。金華山下游也。書辭琅琅大爽。人神思大。氏世稱善知識者。甚耆俚言。段使其道甚高。要之非世尊靈山時語矣。超乘而上。唯師為爾。可不敬服乎。盤山君亦富貴中希有哉。獲其一幅。几案間頗覺傳色。祇不畫塞上風致。為可恨爾。不佞書時。適病尋已。輒復罹祝融之崇。緝蘆而處者。垂半歲。中間人世慶弔事。與病

相仍殆無虛日。造秋迺讀宅城西。而後稍獲晏如耳。近作歌二章。欲以奉醜。值牙痛涉月。無復筆硯意。是日少差。謹寫上。唯師亮之。富山人以夏時飄然見過。因得悉師行履。聞師亦有西歸志。信不時下寒甚。伏惟起居輕利不備。

復崎陽惠通禪師

昔者盧生齋上人書至。值予它適。不復至。莫能識其處所。黃梁夢忽忽十年。亦惟崎陽三千里之外。遼遠哉。是以獲罪上人矣。明月亾恙。耿耿坐右。則亦耿耿夢寐焉耳矣。不知崎陽志就緒不。八咏之篇不佞竟不能作也。今海師往。故往其答。一來一往。段使三千年。上人應作一刹那觀。豈怪之哉。不備。

復玄海上人

足下在崎。不堪寥寥之嘆矣。其游洛亦當爾。乃俯首從一上人者學也。是乃足下哉。彼上人者。謂不佞護法者邪。亦彼上人者意爾。若不佞法。且不知何況護乎。承惠香爐筆墨紙。皆中華物。何以見愛之至此邪。劉生印。清人哉。乃欲得不佞一語。是易易耳。未審其人何號。伏乞教之。庶以稱呼耳。不佞災後黽勉過夏。七月始得遷舊居。矮屋不堪秋暑。憊甚。近日新涼。

少蘇已不知足下何如。佳自愛。不備。頓首。

又

足下鄉在西山時。不佞既作雪山童子看。忽復在崎陽。從本禪師遊。豈乃善財童子邪。吾笑臨濟宗風益衰。動輒咄喝。詩語皆爾。佛心著相久矣。承寄蕭鳴集。則知此老非尋常也。求不佞一語。儒者豈能增佛子光乎。足下釋氏文學論。覺稍退格。得無學教師語邪。雖然。進退自在。或躍在淵。足下波瀾益大哉。承飛雲之賜。多謝。不佞以四月一日。召見殿中。豈識邪。然不佞不欲青雲生脚下。不久將竅君於白雲鄉已。時暑。

酷自愛

徂徠集卷之三十一

且來集

杜徠集補遺

擬古樂府一首

長安有狹斜行

洛陽有曲巷。巷曲不容車。不知何年少。夾轂問君家。
君家誠易知。潭潭丞相府。門列十二戟。三千黃金駟。
坐客高堂上。堂下張華炬。大兒孔文舉。小兒楊德祖。
餘子莫與齒。濟濟才且武。暇日一高會。光輝生纓組。
美酒如淄澠。纖鱗飛落俎。宴酣清歌起。飄忽來風雨。
顧見雙員闕。去天只尺五。上有雙銅雀。落日照垂羽。
一鳴五谷生。周召莫敢伍。再鳴五谷熟。四海頌舜禹。

頌聲何嘈嘈。觀者集如堵。東廂發悲歌。西廂鳴鶴舞。
中坐有狂生。起搯漁陽鼓。丞相且安坐。為樂良未遽。

七言律五首

獨不見

翡翠樓高古曲悲。誰家少婦碎蛾眉。鴛鴦被上寒偏
早。鴻雁書中夜更疑。月斷關山獨不見。心何及長
相思。停琴驚起催刀尺。正是秋風欲寄時。

再用前韻二首酬省吾見和

憐爾翩翩書劍年。即今毛髮共蒼然。吳門置酒多連
夜。駒邨題詩似各天。流水尋常朱軫上。春雲咫尺錦

槭前。忽聞新歲生歸思。轉覺窺人梁月懸。

風雲回首彈冠年。藩邸一時寧偶然。我在郢中誇倡

雪。君來稷下賞談天。樂書忽發功成後。剡棹猶淹興

盡前。竟是楚人無得失。請看春月似弓懸。聞其獻弓之後頗有

所虞聊以寬之

壽香國禪師七十

時住仙臺大年寺

眉用禪師眉壽相。十霜已識白毫光。近將高臘游僊
地。曾向大年開道場。縹緲祥雲忽北起。翩翩青鳥還
西翔。遙應供到瀛洲外。交棗蟠桃滿鉢香。

失題

本期秋色鬪崔嵬。還映巖花綵筆開。饒有白雲同我趣。必無黃鳥侑君杯。春風駘蕩主人意。夏木紛豔上客才。今日盡歡須盡醉。人間動似隔蓬萊。

五言絕句三首

賦烟草應後臺命

金絲盛碧筍。非酒發微醺。却愛塵間客。口中忽吐雲。

失題

弘景山中住。尚通富貴家。白雲難可贈。代此以斯花。

失題

養花喜值霽。日日映朝霞。淺深不自辨。寄示愛花家。

七言絕句十首

得請罷授經

細席談經寵賜頻。罷來閒署臥青春。今時更異穆生日。玉醴雖甘勞殺人。

送敬阿上人還桂水

桂樹叢生桂水頭。白雲一去覓無由。年年相憶逢明月。將謂君家正此秋。

秋日訪蓮光寺

入寺松杉翠欲流。蟬聲美處步頻留。驅馳半日黃塵路。始信林丘別有秋。

奉和刑部子侯臺下瑤什三章

華堂詩酒開高會。夜捲朱簾河漢明。綵筆奪將雲錦色。還從織女問文星。

右星夕尊韻

淮南叢桂寄誰邊。我在嫦娥住處天。莫怪清香良夜發。燕山五子已挺然。

右中秋尊韻

公子清閒倚綺窗。陰堦佳木自雄風。那知病渴苦炎熱。賜我夏衣含雪濃。

右偶興尊韻併謝恩賜

蔚宗歸自函谷君彝又將游作此為送

昨夜晁郎採藥還。井郎今日又游山。山中芝艸知長短。玉笥流雲可重攀。

富士分夢句得士字

海外曾聞無富士。人間何識誰家子。千秋不老雪為膚。說甚神仙長不死。

戲譯某搢紳富士和歌

月有中秋花有春。憑誰傳語洛陽人。芙蓉白雪三冬色。今日看山也及辰。

夏日刑部郎君席上應命

行役集補遺
 侯郎偏宜朱夏天。暑稀不厭日如年。詩書課罷纔回首。陰砌青槐午影圓。

徂徠集補遺

大坂書林森本文金堂藏板目錄 <small>心齋橋唐物町</small>	河内屋太助
五經大字 <small>道春点再刻</small>	全十册
四書安永板 <small>道春点</small>	全十册
武備志 <small>明茅止生著</small>	全十册
事文類聚	全百册
大明一統志	全六十册
小雲樓稿 <small>大典禪師詩 丈尺腕ホヲ集ム</small>	全六册
徂徠集 <small>詩文尺腕ホヲ</small>	全二十册
金華文集 <small>平子和先生著</small>	全四册
女七才詩集	小本全一册
大坂書林森本文金堂藏板目錄 <small>心齋橋唐物町</small>	河内屋太助
七才子詩集 <small>小本</small>	全一册
同掌故 <small>勢州中條中郎著</small>	全三册
同註解 <small>此書ハ唐詩選ノ掌故ノトク詩中ノ故事出外ラモ ヲカズ頭各ニテ注釈シ初学詩ヲ解スルノ便トナス</small>	全二册
同國字解	全二册
同七律解	全二册
同三ノ解	三册 七子近体詩二册
同澤說	一册 同芥芥集
同七子傳	一册 同正考

江村銷夏錄 清高士奇著 唐本反刻 全六册

此書ハ晋唐以來古人ノ各画ノ卷軸絹紙ニル者寸尺印章ヲ出ス各画ヲ玩ブ好寧ノ人ハ必ス見ルベキ珍本也

白石先生鬼神論 新井筑後守著 手カタ本 全二册

各ハ經史子集ニセシ鬼神ノ説ヲアゲテ得失ヲ論明自ミトケリ古今鬼神ノ此各ヲ三掌ヲカスガゴトシ

子華子 全二册

鬼谷子 全二册

書翰指南抄 蒙所先生書 全一册

コノ各ハ吾邦各簡ノ文体ニワキニ真字ヲ付各カノ文字ヲ音ニシルニ初心ノ人文章ヲ習フノ便トナス

新刻蒙求國字辨 東山著 全六册

古文眞寶 大字再刻 全二册

發蒙書東式 小宮山君延著 全三册

此各ハ五節句平生尊卑賞罰ニ用ユル尺牘符券ノ法ヲ圖ラ委クオシテ學ニカキテ平且見ルベキ各ナリ

唐明詠物詩類函 角有則編 懷中本 全五册

此各ハ唐明名家ノ詩ヲ部分ニテ廣クアラメ旅中席上ホ作例ノ急用ニラナルヲ各ニガレル重宝ナリ

詩學熟字小笺 小本 全一册

韻會字引 全一册

唐音和解 全二册

璧玉韻府 全九册

王氏詠物詩選 王長與著 全三册

此各ハ五代ノ間名家ノ詩ヲ部分ニテオモク作ラエリ各ナリ例ノ正キヲ用ニト欲セハ是ニテキルベシナリ

寛政三歲辛亥復六月求版

南紀和歌山中井孫九郎藏

若山新通二冊目

中井源吉

江戸日本橋通三丁目

前川六左衛門

大阪心齋橋筋唐物町南

森本太助

書林

